

Siswa bentuk jati diri melalui program bakti

► Lahirkan mahasiswa prihatin terhadap masyarakat

Oleh **KENNEDY CORLLEUS**
 kentjunior92@gmail.com
 UB 14.12.2012 B4
BONGAWAN:
 Kepelbagaian komposisi dan latar belakang penduduk mendorong 32 penuntut Universiti Malaysia Sabah (UMS) memilih untuk tinggal selama tiga hari di Kampung Tengah, di sini, menerusi program Bakti Siswa diadakan.

Program berkonsepkan keluarga angkat itu disertai penuntut akhir fakulti Komunikasi dan Kewartawanan bertujuan melahirkan mahasiswa prihatin terhadap masyarakat, selain mendalami adat serta budaya penduduk setempat.

Ahli Dewan Undangan Negeri (Adun) Bongawan, Datuk Karim Bujang berkata pihaknya berbesar hati menerima kehadiran mahasiswa itu yang merupakan kali kedua kawasan ini dikunjungi pelajar institusi pengajian tinggi (IPT) menerusi program sama dua tahun lalu.

"Program bertemakan 'Memasyarakatkan Mahasiswa, Mendukung Malaysia' ini mampu menepatisasaran kerana setiap peserta dapat memperolehi pelbagai pengetahuan berguna yang boleh diaplikasikan pada masa akan datang.

"Aktiviti dijalankan sepanjang program ini juga dapat membantu mahasiswa membentuk jati diri dan prihatin terhadap masyarakat sekeliling serta berdaya saing yang mampu membentuk modal insan diperlukan negara.

"Justeru, anak-anak harus mengambil peluang menimba ilmu dalam program ini kerana ia adalah proses pembelajaran dan menambah kematangan sebagai persediaan mengharungi dunia luar selepas menamatkan pengajian kelak," katanya.

Beliau berkata demikian selepas merasmikan Program

"Kehadiran mahasiswa akan membantu kerajaan dalam mewujudkan persaingan sihat di kalangan penduduk dengan merangsangkan minat menggalakkan anak-anak belajar hingga ke peringkat lebih tinggi. Selain itu, pembabitan mahasiswa dengan penduduk akan mewujudkan perkongsian ilmu, sekaligus memberi peluang kepada penduduk memahami dasar pembangunan kerajaan khususnya berkaitan kemudahan pendidikan negara."

DATUK KARIM BUJANG

Ahli Dewan Undangan Negeri (Adun) Bongawan

Bakti Siswa UMS yang diadakan di Dewan Kampung Tengah, di sini, kelmarin.

Hadir sama Pensyarah Komunikasi dan Kewartawanan merangkap penasihat program, Saat Ag Damit; Pemimpin Kemajuan Rakyat (UPKR) Bongawan, Zainal Matali; dan Ketua Pergerakan Puteri Umno Bahagian Kimanis, Saudah Sherzaman.

Sebanyak 11 buah keluarga di kampung itu telah terpilih menjadi keluarga angkat

kepada mahasiswa terbabit yang terdiri daripada pelbagai bangsa dan agama.

Dalam pada itu, Karim turut menyarankan IPT tempatan untuk mengadakan lebih banyak program seumpamanya khususnya di kawasan luar bandar dan pedalaman bagi membuka minda masyarakat setempat tentang kepentingan pendidikan.

"Kehadiran mahasiswa akan membantu kerajaan dalam mewujudkan persaingan

sihat di kalangan penduduk dengan merangsangkan minat menggalakkan anak-anak belajar hingga ke peringkat lebih tinggi.

"Selain itu, pembabitan mahasiswa dengan penduduk akan mewujudkan perkongsian ilmu, sekaligus memberi peluang kepada penduduk memahami dasar pembangunan kerajaan khususnya berkaitan kemudahan pendidikan negara," katanya.

Pada majlis itu, Karim turut menyampaikan sumbangan wang tunai kepada 11 keluarga angkat yang terlibat dalam program itu bagi memastikan ia berjalan lancar, sekaligus



KARIM berbual dengan sebahagian mahasiswa UMS di majlis itu. (Gambar atas)



KARIM memberi motivasi dan nasihat kepada mahasiswa terlibat di program Bakti Siswa yang diadakan di Kampung Tengah. (Gambar kiri)



KARIM (duduk, empat kiri) bersama mahasiswa dan penduduk terlibat dalam program Bakti Siswa yang diadakan di Kampung Tengah.



KARIM menyampaikan sumbangan kepada salah seorang keluarga angkat terlibat dalam program Bakti Siswa itu.